

## Wučbna metoda „horcy stólc“ Jurij Brězan: Krabat. Druha kniha

*Horcy stólc je učbna metoda z wuhotowanskeje terapije po Fritzu Perlsu. W njej dóstanje jedna wosoba ze šuler-skeje skupiny wosebite městno w srjedžišću – stólc – připokazane. Wosoba steji tuž cyle w centrumje kedźbnosće. Wučbna metoda so tohodla tak mjenuje, dokelž su mnozy před druhimi sedžo a na prašenja wotmołwjejo zwjetša chětro napjeći a rozbudzeni. Tajke začuća su husto z něčim njepríjonym abo „horcym“ zwjazane hladajo na to, zo so předku sedžaca wosoba ze swojimi wědomymi a njewědomymi myslemi, fantazijemi, emocijemi, čělnymi reakcijemi a ze swojim zadžerženjom před skupinu prezentuje. Druzy – potajkim wobkedźbowarjo – tež wot tuteje metody profituja, dokelž čuja z předstajenej wosobu abo romanowej figuru sobu, zamóža so z jeje dopóznaćemi identifikować abo wot nich wotmjezować a na tute wašnje za sebje tójšto přiwuknu.*

*Z tutej učbnej metodu nadžětaće sej na příklad charakteristiku romanowej figury. W předpolu diskutujeće wo njej najprjedy z partnerom abo w skupinje. Potom sydnje so jedyn z was jako zastupjer figury na „horcy stólc“ a wotmołwa na prašenja, jako by romanowa figura był. Dalši šuler je stajer prašenjow. Sobušuler na „horcym stólcu“ wotmołwa a jedna – doniž so wšo njerozpušći – jako figura, wo kotrejž je do toho w skupinskim abo partnerskim džěle rozmyslować.*

**figury:** Signe, Kryster, Nusalag, Marko Holka, Tearmont, Frencl von der Mühlen

1. Nadžětajće sej charakteristiku wam přirjadowaneje figury z romana. Přemysliće sej tež móžne prašenja, kotrež móhli w interviewje stajeć. Móžne prašenja (nimo zakładnych prašenjow kaž: „Štó ty sy?“, „Što ty činiš?“, atd.) na figuru:
  - Wo čim soniš?
  - Před čim maš strach?
  - Što sej přeješ?
  - Čeho so nadžiješ?
  - Štó je tebi najbliši/najwažniši?
  - Štó su twoji přeceljo?
  - Što zrozumiš pod „čłowjek być“?
  - Kotre ideale maš?
  - Što je twój zaměr?
  - Kak so wuwijaš/změniš?
  - Kak wupada za tebe idealna towaršnosť?
  - Što woznamjenja cí wěda?
  - Što woznamjenja cí móc?
  - Za čim měš so će na kóždy pad prašeć?
  - Što njeby nam ženje přeradził/a?
2. Předstajće sej, wy maće so jako zastupjer wašeje romanowej figury na „horcy stólc“ sydnýć. Jedyn druhu z wašeje skupiny abo waš partner staja na was prašenja. Wy wotmołwiće na nje w róli figury. Wšitcy tamni su wobkedźbowarjo. Zapisajće sej wo figurje na „horcym stólcu“ informacije a zestajejće sej tak figuruwu charakteristiku.
3. Hdyž je so prašacy z interviewom hotowy, smědža wšitcy druzy w swojej róli dalše prašenja na figuru stajeć (na př. Marko na Signe).
4. Na kóncu kóždy zaso swoju rólu wopušći a móže hišće jako šuler na kurs abo na zastupjerja figury swoje prašenja stajeć.